



# কল্পতরু বই পিডিএফ প্রকল্প

কল্পতরু মূলত একটি বৌদ্ধধর্মীয় প্রকাশনা প্রতিষ্ঠান। ২০১৩ সালে "হৃদয়ের দরজা খুলে দিন" বইটি প্রকাশের মধ্য দিয়ে এর যাত্রা শুরু । কল্পতরু ইতিমধ্যে অনেক মূল্যবান ধর্মীয় বই প্রকাশ করেছে। ভবিষ্যতেও এ ধারা অব্যাহত থাকবে। কল্পতরু প্রতিষ্ঠার বছর খানেক পর "kalpataruboi.org" নামে একটি অবাণিজ্যিক ডাউনলোডিং ওয়েবসাইট চালু করে। এতে মূল ত্রিপিটকসহ অনেক মূল্যবান বৌদ্ধধর্মীয় বই pdf আকারে দেওয়া হয়েছে। সামনের দিনগুলোতে ক্রমান্বয়ে আরো অনেক ধর্মীয় বই pdf আকারে উক্ত ওয়েবসাইটে দেওয়া হবে। যেকেউ এখান থেকে একদম বিনামূল্যে অনেক মূল্যবান ধর্মীয় বই সহজেই ডাউনলোড করতে পারেন। আমাদের একমাত্র উদ্দেশ্য হচ্ছে, বর্তমান আধুনিক প্রযুক্তির যুগে লাখো মানুষের হাতের কাছে নানা ধরনের ধর্মীয় বই পৌছে দেওয়া এবং ধর্মজ্ঞান অর্জনে যতটা সম্ভব সহায়তা করা। এতে যদি বইপ্রেমী মানুষের কিছুটা হলেও সহায় ও উপকার হয় তবেই আমাদের সমস্ত শ্রম ও অর্থব্যয় সার্থক হবে।

আসুন ধর্মীয় বই পড়ুন, ধর্মজ্ঞান অর্জন করুন! জ্ঞানের আলোয় জীবনকে আলোকিত করুন!

This book is scanned by Kbangsha Bhante

# ভাবিবের কধা

তরুণ কুমার চাকমা





### ভাবিবের কধা 🤣 তরুণ কুমার চাকমা

একক চাকমা কবিতা সংকলন পথম ফগদাঙ � ১৯ সেন্টেম্বর, ২০০৮ সাল সন্ত � লেগিয়ে বুগছাবা � শান্তমনি

ফগাদাঙে 💠 ভাগ্যলক্ষী চাকমা, শ্যমিল কুমার চাকমা, পূর্ণ জ্যোতি চাকমা, কম্পিউটার কাম 🍫 রিকু চাকমা

ছাবানাত্ 💠 হিলি বাইটস্ টেকনোলোজি, রাঙ্গামাটি বইব্য পা যেব' 💠 আরুক টুডিও, সমতা ঘাট,বনরূপা, রাঙ্গামটি মোবাইল ঃ ০১৫৫৬ ৬২৩ ৩৪০ সুবাস চাকুমা, রাঙ্গামাটি

মোবাইল ঃ ০১৫৫৬ ৫৩৪ ২৪৬; ০১৫৫৬ ৪৯০ ৫৩৮
শ্যামল কুমার চাকমা, আগ্রাবাদ, চট্টগ্রাম
মোবাইল ঃ ০১১৯০ ৮৯৮ ৬৯৬
দাম & ২০০ ০০ টেঙা

#### Bhabiber Kodha & Tarun kumar Chakma.

A Collection of Chakma Poems
Published in 19 September, 2008

© & Writer

Cover Design ❖ Shantomoni

Publisher ❖ Bhagya lakxmi Chakma, Shyamol Kumar Chakma, Purnajoty Chakma

Computer compose ❖ Riku Chakma

Published by ♦ Hilly Bytes Technology, Rangamati Price ♦ 200.00 BDT, US \$ 10.00

#### নিজেনী

মা পিখিমী বুগতুন যিদুরুন পরানবলা একালতুন ফারক্ অলাক্, তারা নাঙে চেপ্পোদেই...

# ভেল পাদা

♦ ভাবিবের কধা	- გ	🔷 বিঝু ফুরি ন ফেল্য	- 80
♦ কন্না থান্ পেব'	- 20	♦ ম মনর হাবিলেচ	- 88
♦ তুমবাচ	- 77	উইপুগো হে্না	- 8¢
	- 25	♦ জুর হারা পেক্	- ৪৬
♦ মনান বুচ্দেনা	- 20	🔷 কেরেট কাবার এগ্ গাভুরী	- 89
পেবার নয় আর মেন্তলং	- ১৫	<ul> <li>বাজেগী পোর্নিমা</li> </ul>	- ৪৯
🗇 ম নাঙ তরুণ কুমোর	- ১৬	🔷 যেই চিজ্জিবো যেই	- 60
🔷 হিজেক সারি হাজিব্যা	- 74	🔷 একু দলক দে	- ৫২
🗇 এ দেজর রেগা বেই	- 79	🔷 নৃয় ঘর বানি	- ৫৩
🗇 কা কবালত কি আঘে	- ২০	♦ হেল্ খের উগুরে	- ¢8
♦ রাঙামাত্যা দেঝ	- ২২	🔷 জুম্ম দেজর গাভুরী	- ৫৫
জীবনত্ যুদি কন হেব	- ২৩	🔷 রাঙাবী তুই নেই সেনত্যায়	- ৫৬
🗇 এগদিন মুই আযি যেম	- ২৪	♦ সেদাম নেই যার তিন মোক তার	ī - ৫৭
🔷 কক্কে এব সেদিন	- ২৫	🔷 আলচ্যারে চেই চেই	- ৫৮
🔷 এগদিন আদেখ্যা রেদোত	- ২৬	🔷 ফিরি যুদি এঝঙ্	- ৬০
🔷 জীবনত বাজি থানা	- ২৭	♦ কন সাগরত	- ৬১
♦ উজেই গেলে বলদে	- ২৮	♦ ছড়াথ্ম দজরত	- ৬২
♦ বৈইজেক্যার মোনতলাত	- ২৯	🔷 ৰিজুরে জু জানেই	- ৬৩
🔷 কন্না সম্যা কা মনত	- 92	🔷 এক্কু দিনোত থিগিল্যা	- ৬৪
🔷 কুজি কলা পাদারঙ	- ৩২	♦ তমার জ্ঞান পহ্রে	- ৬৫
<ul> <li>মোনমুর হাজিব্য</li> </ul>	- ৩৩	🗇 ত ঘাট্টানত্	- ৬৬
	- ७8	♦ হাদকুরে বই	- ৬৭
	- ৩৫	🔷 ত্রনি থেবে	- ৬৮
<ul> <li>আঙোচ্যা জনমভর</li> </ul>	- ৩৬	♦ মানুচ্ অ	- ৬৯
🗇 আমা আদাম খারিক্ষ্যং	- ৩৭	🗇 কাজলঙর এগ্ গাভুরী	- 90
একদিন মা ত বুগোত	- ৩৮		د۹ -
সংসারান আলাম	- ৩৯	🗇 ঝারি ফেলা মন রাগ্	- ৭২
🗇 লারেয়ো সাধি পারে	- 80	কাইপারিব্যা	- ৭৩
🗇 ঘুরিফিরি	- 82	🔷 পুচ্যাল কাবিল (মাত্রাভিজ্ঞ)	- 98
♦ কবা ইচ্ছ্যা গাদানা লোই	- 8२	নাবুং এলে কেঙেরী	- 90

#### ভাবিবের কধা

ভাবিচ ইক্কু পিছ্যে আর' মুজুঙেদী
আমি এঝ' কন্ দয্যাত্ ভাঝাদি আঘি।
গধা পিখীমিত্ পেগোধক্যা উড়দন্
আমাইদু এজ' এলেলে চেই আঘন।
এই কালত্ দৃগ্ অলে কধক্ পের
সে কধানি কলে ভাবিন্যায়ো উদ' নেই।
এগ্জন্ উজু অলে পাজজন্ বেঙা
কা কধা কন্না শুনের কেঙেরী বুঝ'না।
বেগে ভেই ভেই ভাবিল্যা ইয়েন্ পেই
বুঝিন্যায়ো ন বুঝি কিত্যায় সঙ্ নেই।
এই কধানি আমি মনত্ রাগেবং
মিলিমিঝি যদাগরি সমারে থেবং।
সক্কে তে আমারে ইজেবত্ বোড়েবাক্
কধায় কধায় উদিব্যাক্ বজিব্যাক্।

পত্মম কবিত্যা ১৯৭৩।



### কন্না থান্ পেব

দিনুন কাদাকাত্যা পথান চিব্যাচিপ্যা কন্ কালত পলঙগি, কুচ্ দিল্যা বিজ্ঞোল মাদি উজেলে এগ'জা দেল দেলী। আগ' দিন নেই আর কারর বচ্দরম বেগর ফুরেইয়ে গুর'লগে ন ধরান্ আর বুড়'গুনর বল্বলা থুম অইয়ে। যাদ মাধাত লাদি অযাদ'মাধাত ছাদি বিজিরেলে থোগেই পায় তেব্ন পয্যা ধাগ'কধানি। খানাত জাগুলুক্ কধা কদে জাগুলুক পতে পতে জাগুলুক্ পিখীমিয়ান থূম অই এজের অইয়ে মানেয়র মনানি কুলুক। বান্দরে ধান সুগ'না রোদ মেঁ মেঁ ছাগোলী ভাঁ দীও কোন কি দারু লাগে ন চিনন তোংগাদানা। সুদর' চিগিদ্যাং নেই আর খাদে খাদে বেক্ অইয়ন আক্লেং পরেইয়া কধানি কধে কধে নিজ'কধানিত বান্যা গেরেং। হাবিলেচ হেবার জাগা নেই মানুচ ভেঙেই আর কি অব' মুজুন' পেগত্ গাড়া গেলে গোই র-সারি ডাগিল্যা কন্ন্যা থান্ পেব'।



### তুমবাচ

জরা ন লয় মন্ ভাঙা হাড় ভাঙা জরা লয় দিন গেলে দিন এজে বচ্ গেলে থুম্ **অ**য়। যেদক্ কধা কধ' সাদ কধা কবার ন ফুরায় যেদক্ আঝা থেদ' সাদ্ আঝা কারর ন কুলায়। উদি উদি কোচপানা দাক্ল কুবি থায় উদি উদি আযার্ খেলে আক্কলানে পিরে পায়। রিনি চাহানা এগহেব্ আগাঘরা বিজিরেই মনত থনা জনমান গুন কধা বেই বেই। পের্গা ছাড়া মানুচ নেই একা অলে পের্গা থায় মাধাত্ চুল যার নেই তারও অলে ভুল থায়। বেগ ভুলানী মাফ গরিদি চিগোন ধাঙর কোচ্পানা জেদা বেঙ্ ন মাবিন্যায় ভালেদী কামত হাদ্দেনা। গম্ বাচ কারর নেই মলে তে তুমবাচ্ গাজে গাজে ফুল থেলে ফুদিল্যা তে তুমবাচ্।



### অভংগোই গায় গায়

পিরভর এলে তুই কি কবার মনে কর না কি কন' সুচ্ ভরাদে খুরোল ভরর? তরে-দ কোয়ং এই জনম ন অভ'ন অল' সাজেইয়া আঝানি বানা তত্যায় ওল অল। পিনোন পিনি খাদি বানি তুই রাঙা কালায় হাজিল্যা কি আজায় কধে চাঙ পত্তি হেব পিদ দিল্যা? তেঙত হারু কবঙান তাজজুর হাজ'লী তেব্রক্ খেল কেঙেরী ত হাহধ' বাঙরী? দিন দিন তুই মুই কি আজায় বোই থানা ফুল ফুদি ঝরি যান আমারো এজের ঝরানা। বেঙখঙা দৌল কালা চুল তর লারে লারে কারে ভাবি ধুব অহর? গুই বান দি ধরি চা যে আরঅদ নয় চিক্ কারি বেড়েলেয়ো যে আর এধ' নয়। বিদি গেলে বিদি যায় কিতর আঝা থায় বেকুন্যা তে তুই অভংগোই গায় গায়।



### মনান বুচ্দেনা

জীবনতুন্ কদ' কি আযি যায় মনানত্তন কারাপ্পায় ন আযে সুগোত্ পরি দুগ্' টাঙিল্যা খুঝি খুঝি পিড়্যা বাজে। গাড়া গেলে পাপে মন্ যে ফিরেই আনি পারে মার অল পরশাল্য জয় গরিন্যায় তারে। আন্ধারত ধান কুজ'না কান মাজ্যল্লোই যগা চেলে গম্ মাজ্যরে দিয়েই যেইন্যায় সিঘুন ভালেদ অনু অলেনলে। ঝুব' ছেড়ে পোরোল বুড়' ভাবি চেলে পোরোল বুড়' নয় বিচ্ বিজিদি রাগেই দিন্যায় नृय़' জनमान नय् । কোচ্ পেইন্যায় আঘেলে ঈল্ অলে তে কোচপানা বিশ্বাজ গরি আঝের অলে তে কি বিশ্বাজ গরানা ? গম কামত বারি পড়ে নয়দ্যা কামত ছিড়ি উজোন্ পারঙক্তন পারঙ গরি তিন পাল মারি ফুড়ি উদোন।





এ ফুর ও ফুর ফুন্দুরী চুম'
রিনি চেলে বেগ্ দেগে
সেবাবত্যা মানুচ্ আঘন্
পরান্ ধোই খাবান্ যারে তারে।
সমপ্ খেইন্যায় মিঝ্যা কলে
অয়্ লবয় পুড়ানা
শুনি থাকে কান্ বদা ওক্
যক্ কারিদি মনান বুঝদেনা।



#### থেবার নয় আর মেত্তলং

পাপ্ পানে চাপ্ খায় সিয়ান অল' কাক্কন্যা ছিনি যাঙ যাঙ কক্কে অয় পাপ' কাজি তিং তিংঙ্যা। ধর্ম পুন্য কর্ম গান নিজ লগে থায় তা উগুরে সুগ নেই লগে এজে লগেযায়। রূপ্যন দৌল ঠিক কিনিলেও ন পায় ফুল কিনি পেলেয়ো রূপ দোল ঝরি যায়। বেগ' ইদু তুমবাজ ছিদিদি তন' নে তন্ গরে ক্ষয় গেলে ক্ষয় ন যায় চেরোকেত্যা পহর গরে। বিজোল মনর বিজোল পদ্ থ্ম অভার আঝা নেই নৰ্গত কাদান দুগে দুগে রেদে দিনে চৎপোদেই। ওল অলে সংসারত ধর' গরি থরি থানা মারে যগা চেলেয়ো পিচ্ছে ফিরি ন ধানা। কাক্কন্যা জীংহানীত ধরা ধচ্যা অনা গম্ দৌল কামত আহ্দ দেনা থেবার নয় আর মেত্তলং।





### ম নাঙ তরুণ কুমোর

কবি ও নয় শিল্পী ও নয় নয় মুই কধা তাগোইয়া বৈদ্য ও নয় অঝা ও নয় নয় ঝারি ফুউন দিয়া। এনে বাদে পিখীমিত থিয়েই আঘং বানা নেই কিচ্ছু পেবার হাজার সাধিলেও ন অব আর পিচ্ছে জীংকানীত ফিরি যেবার। আইলোম ম মাধাত গুরগুরেই সাতরেজ্য পাক খায় পাঙ্ পাঙ্ আঝানি সিঝি হেনর স্ববনানী অবেলাত্ গঙি যায়। বজম বত্তিয়ে ভর ন থরে ধন্ধুগোত জুলে মন জুলে বুগ পাদা উল্লেই উল্লেই থোগেই চাঙ্ কুদু আগে সুগ? সুগোর কধা ভাবিল্যা জার' কাদা আলক্ অয়্ হাজার সাধি চাঙ ইগীমে সে দৃখ্যানে মরে টানি লয়। ভাঙা চাঙা টানা পয্যানত থক্ ন পেইয়া জীবন মর থোগেই পেবা চেঙেই কূলে মুর' ছেড়ে খারিক্ষ্যঙত্ ম ঘর। জানুযারী ২১(এগোজ) তারিগোত ১৯৫৮ সনত্





জনম লোয়ং মঙ্গলবারে বেন্যা মাদান্
৭:৩০ (সারে সাত) টায় মহেন্দ্র হেনত্।
মরে দেগি তুমি নানা জনে
নানা কধা কোই পার'
ভারব্য ভারব্য সেদেইয়া সেদেইয়া
মনে গরি বন্নাম ও গরি পার'।
আজলে মুই বাড়ে ভিদিরে সুরুং
মনত্ নেই কেন'গুমোর
মা বাপে বোজেই দ্যন্
ম নাঙ্ তরুন কুমোর।



# হিজেক সারি হাজিব্যা

ব নেই আগাজত ব থেলে
র নেই দিন্যত র থেলে
ওল নেই সংসারত ওল অলে
ঘর থেই ঘরানত ন থেলে
মন নেই মনানত পঙ্ অলে
সঙ নেই মান্যরে বুজেলে
ডরেই ডরেই কধা কধে তোদেলে
যে ন বুজে বুজেলে
যে নগুনে নূয়' গরি শুনেলে
কদে কদে অদ' বুদ্ধি ফুরেলে
কধে চাঙ তারে আর' কি কবে?
জগার পারি ডাগিব্যা
হিজেক সারি হাজিব্যা।



### এ দেজর রেগা বেই

(দিয়ানাঙ্ছ)

এই জীবনত্ ফুল'সান্যা তুই কেঙেরী অলে
তুমবাজ অদে অদে তুই ঝরি পলে।
মরে মুই ভাবি ভাবি কুল্ ন পাঙ্
ইদোত্ উদে মনত্ পড়ে দুগে রেত্ কাদাং।
তর ও এল' কধক্ আঝা ধাঙর ওমকধা কোম্
লেগা শিগিম্ বই কলম হাদত্ লোম্।
ইকুলোত্ যেম্ কলেজত্ পড়িম্
নৃয়'দিনোর নৃয়' পদথ নৃয় গরি কুচ দিম।
আদেক্যা গরি তুই গেলে গোই বেগরে ফেলেই
চোগোত্ ভাঝে ইদোত্ উদেঅনসুর থেই থেই।
গুঙ্দ'কারে আয়লোম্ স্ববনত পরানান
ভাঝি উদে দিচোগত্ তর কুজি মু চলঙান
তরে আমি কোচ্ পেই তরে আর' পেদং চেই
নৃয়' গরি ফিরি আয় আর' এদেজর রেগা বেই।



### কা কবালত কি আঘে

দরপপান চরপ অলে সুয়োদ অব কদক আর মনত শাল ফুদিল্যা ইদোত থায় জনমান। কধা হলুং কধাজানং নিজে নিজে সেদানা খারা জানি খারা খেলং নিত্য কিত্যায় পিরখানা। দৌলে ঘর ভরিলে এগজা দৌল দৌল ছ' মাস বাদে কুধু গেল দৌল অল' কোল। আওঝর দাঙ্গু তর মন ধোইন্যায় খাবাগোই বারেং কাল্লোং লোইন্যায় যা সুদ' কান্তি আয় ওই। তে তুই কিচ্ছু নয় মানুচ্ জন কাঞ্চন্যা নিজে নিজে ইজেব গল্প্যা বেক্ পায় গনিল্যা। চিদ্যা গরি কি পানা চিদ্যা ন গরানা ভাবিন্যায় কি হব আঝা থেলে ভাবানা। যা কেইয়াত পাপ নেই যমরেও নেই ধর





যা তুই উজ' গোই
যিদু মনে কর।
নিজ মাধা ফেজাগান
নিজে ন দেগে
কাররে কবার নয়
কা কবালত্ কি আঘে।



### রাঙামাত্যা দেঝ্

রাঙাচাঙা মানেইয়র রাঙামাত্যা দেঝ রাঙা খাদি রাঙা হাজি দোলোর নেইদ্যা শেজ রাঙামাত্যা দেঝ। এই দেজর কোগিলুন এই দেঝর বিজু পেক রুবে রঙে ধগে দাগে ডাগি বেড়ান নিঝিরেত। চেরোকেত্যা মূর'মূরি ফলপাগোরে ভরাভরি ভাবি চেলে এই দেজর রুবোর নেইদ্যা শেজ রাঙামাত্যা দেঝ। মোনোত আঘন কাম্যুভেই শরত আঘান পোরব্য ভেই বেক্কন্যা আমি ধরাদস্যা এই দেচ্ছানত থেই। হাজির উঝির পেক্সন্যা বেন্যা পোত্যা গীদ গাহান ফুল' তুপ্তুন নাজি উদোন গম লাগেদে আর' বেচ্ রাঙামাত্যা দেঝ। পুগোবেলর পহর ফুদে বেঙাখঙা বর গাঙত হেল লাগেদে আমাদেচ্ছান মেঘ ভাঝাদে বোইয়েরত কোনো কিচ্ছুর উন নেই গাভুর বোনোর র্স্বগবেচ্ কোনো কেত্যা দেদা নয়পিনোন পিন্যা চামুলেচ্ রাঙামাত্যা দেঝ।

# জীবনত্ যুদি কন হেব

জীবনত যুদি কন হেব দেগা অলে দ্বিজনর মেঘে মেঘে ডাগি যেই লামে যুদি ঝড় সেদিন কি মরে তুই চিনিব্যা সেদিন কি মরে তুই লগে ডাগিব্যা আযি যেইযে জীংহানীত নূয়' গরি ব্যনিব্যা কি ঘর? সেই এগদিন কমলে তুই ম কায় এলে পোর্ণিমা জুন' পহরত তারাগুন চেই এলে হাজি হাজি মন' কধা কোই সদরক ফুলছরা হাদত্ লোই আয়পায় চুমিন্যায় চোগে চোগ রিনি চহর। ইদোত তর আঘেনি ফাগুনোর বোয়েরত্ মন' কধা কোই কোই পড়ি এলে ম করত। ঘুম নেযেয়ং হাদ দুলেয়ং রেত্যব্য জাগি থেই স্ববনানী হইয়ে জোলম ম বুগোত তরে পেই তুইয় সক্কে কোচপানা সাগরত্ ভাঝি যর। মনত তর থেবনি কধে চাঙ মুইয় যুদি এগদিন আয়ি যাঙ্ দ্রোত ভা-লু-দ্ব-রো-ত কদক পদ ফেলেই যেই গভীন মুর' কিজিঙোত কিরব্যার ফেনা চাগ ন থেলে তর মর।



# এগদিন মুই আযি যেম

এগদিন মুই আযি যেম্ পেক্ ওইন্যায় দৃয়' মেলি উড়ি যেম্ যা আঘে মতুন বেক্ তরে দি যেম। দ্রোত্ ভালুদ্রোত্ অদেগার পদ বেই গায় গায় আদি আদি তারাগুন রিনি চেই কোন' দিন তরে আর ম কায় ন পেম। ঝড় ঝড় ঝরির' দ্বি চোগর পানি বুরি যেব' বুগ্ খরানত গলি যেব' তর মর সুগু। কায়কুই ন হবং, ন হব সমারী দয্যাত্ ভাঝি যেব, যেবগোই আঝানি পথমে ত হাজিত যক্কে মুই ন থেম। কোই পারং ঘুম ভাঙি তুই মরে চেই থেবে কোই পারং রেত্ জাগি দূয়র খুলি বোই থেবে। জুনিগুনে চেরোকেত্যা উড়িবাক পহ্র পহ্র মূ গরি জলিব্যাক্ তারা লগে দেবে তুই, ত কায় ফিরি এইম। যুদি তুই ন চিনছ ন চিনিছ দিবে ফুল ভাজেই দিছ্ মুজুঙে জনমত্ আর' যেন্ দেগাওই নিজিদিছ্। আয় পায় কায়কুই কোন' দিন দ্বিজনে তুই মুই সুহেনত এগ আলে ফুলে ফুলে ত চোগোর তারাওই জোম্মেম।



### কক্কে এব সেদিন

ষবনানী ভাঙিবং এগ্দিন
মন' আঝা পুরেবং এগ্দিন
হাজি রেঙে এদেজর বিজুফুল
বেগে মিলি ভাঝেবং যেদিন।
জনম্ম্য ন থেবং পিচেছ পরিন্যায়
হাদে হাদ ধরিবং ঘুমতুন জাগিন্যায়।
এক্কান পদে আদিবং সমারে
এক্কান ছড়াত গাদিবং দিম্মানে
মন' দ্য়র খূলিন্যায় চিরদিন।
খরান্ বারিজ্যা
ফিরি এভ' আমিজ্যা
ব-লগে ন-গানত্ পাল্ তুলিদি
চেই থেব' গাভুরী চুলোনী ইরিদি
কক্কে এব' সেদিন।



### এগদিন আদেখ্যা রেদোত

বারিজ্যা দেবাব্যর বল ফুরেইয়ে আগাজত নেই আর মেঘ বর্ব ভুজোল থামেইয়ে। মুজুঙে এজের জারকাল্ চেরোকেত্যা কৃয়' পড়িবো ঘরে ঘরে পিদ্যা ধুবিব্যাক খেদত্ ধান পাগিবো। বাচ্ছেই আঘং তারে মুই কমলে কজা এব' রাজ পুন্যাত বোলেইয়ে মরে চর্গা কলত দুলেব'। মন্দিরোত পাক্খেবং হাজার বাত্তি আঙেবং মন' আঝা বুগোত বানি রাজপুন্যাত বেড়েবং। বাচ্ছেই থাকে মাস ফুরেল রাজপুন্যা থুম্ অল' পুগে উত্তরে র-নেই দিঙীকিল্যা ব-নেই তে যে ন এল। গীদে গীদে কদক কোইয়ে মরে এ কুল ও কুল উক্য রেগা দ্বি দাগেন্দী পিজুমবাশ ইদোত উদে মনত পরে কিত্যায় বিজুম্যাচ। নেই আর এক্ক পিজুমবাশ নেই আর মধ্যা রেগা ফুঁ পাজ্যা মান্য ধক্ আঝা অল' ধূল্যা গদা। কায়কুই গায় গায় ম ধুজিত্ মুই আগং মন'শুত্যাত্ বারি মারি তুয় তারে চেই আগং। ভাবঙর থুম নেইয়া পথান কমলে থুম অব' রেগাবেই আদি যাদে ওল্ কক্কে ন অব। থক চেই চেই উজোদে' উজোদে' আমেনে উদিব্য ইদোত বেক্কানী জুর' পরি এভ' এগদিন আদেখ্যা রেদোত।

### জীবনত বাজি থানা

দ্বি হাদে আজুর গরি কুর' গোই তন্ ধরি ন থেচ্ আর ঘর' কনাছেড়ে মাত্তল মনর খাস্সেক অব' ইজুরোত্তন অজোরী পলে। দজরা মনর ভালেদ নেই কেই মন্ কুত্তেরীর সুগ্ নেই কেই তারা নিত্য থান্ চুন্যামুন্যা মু কোমবিচ্ খান্ উরুরেই। বত্যা কাঝি বদা যায় রিস্য কাঝি মচকরা যেদক বদে সেদক খুলে জীংহানী তার্ পগরা। বাঘ দেখ্যংপারা সাপ দেখ্যং লাভ অব' না পাপ অব' ভাবি ভাবি কূল্ ন পাহান্ লাভ গরিল্যা পাপ্ অব্। কুধুক্ খাদত্ ধুমো দেনা নয়দ্যা কাম্ গরানা অয়দ্যা কাম গরিন্যায় জীবনত বাজি থানা।



### উজেই গেলে বলদে

মনে কলে এজালদেগী বুরুমবোই পুড়েই দেগী পেক্য শিলর নন্যা পানি পেট্ ভরে সঙ্ ফ্রি খাগি। গুয়েক গল্যা শুগোর নঅয় সেদাম দেগেলে বলু ন অয়। ব ফিরিল্যা ব এজে ন ফেলেবে ব নিজেচ ধাবা ন দিস চঙ'রা ধক সক্কে এব' খ নিজেচ। পারত দরি কমর চজ্ ভাবি কভে কি কচ। ব্যানী মিল্যা চুলোত থান্ গিরগিরেই উদোন জার পাহ্ন। মিল্যা নয় মরদ্ কারে গরিব্যা দরপ্। চিন্দেয়চ বোদেয়চ ঈল অলে থরি থাক গচ্ছেই যা ঘুরঘুরেই ঘা গর আবাক বাক ॥ ছিন্যা চুদ' জড়া দেগোই ন পাল্যা থেলি দে মুজুঙে কালামমারি উজেই গেলে বলদে।





### বৈইজেক্যার মোনতলাত

বৈইজেক্যার মোনতলাত্ এগউমোর সং ইয়েত্ বানি জুমোন গরা ন হল আর কি হব' আর ঘর তুলি। চোগ পুজি পুজি কানি বেনা দুম' দিনেই কদক কজ' মজা ধাবেলুং ধার তাগললোই পয়দাকাবি সাঙ্বানেই ত আঝালোই বোই রলুং র' শুনিল্যা থোগেই চাঙ পিচ্ছে ফিরি ফিরি। কামকরচ ইরিদি ভাবঙর থেই থেই মেঘুল' দেবার সাঝন্যা বোইয়েরে তর্ ফুলবারেং সাম্মু চসপদর কি অব' এই কুন্দব্যত্ তুই যাদি ন' এলে; ইন্দি ঝড় এজের বেরবেড়েই গুজুরী গুজুরী। সক্লেনে বারেং কাল্লোঙন ভাঙি যেবাক আদং কাজরে ঘরান অব' লদক দদক এগজা' আঘে তরে চেই তরে ভাবি ভাবি তুরগী মদন পাদানী এগ দুই গনি গনি। ম দয্যা মুরত্তন ভাঝি উদোন ফুল্ কাবিল্যা চেলোদী উদে তুয়' কতা ন অয় উরঘুম' মনানত তুই দঙ্গা ভাঙি কি ফর যে-দ ইন্দি হাজি হাজি জুনোন উদেগী। পগ'দীকানা পিলগি কান ছেডেন্দি পত্যারাজির পহ্ন রেদোর জুর আভা





নিশুচ্ গরি উদে পড়ে ত কধা
জুম্ ছাব' লাঙেলর ওল্ অইয়ে স্ববনানী।
আঙোচ্যা গেলে পোর্নিমা এভ'পহ্রে ভরিব' উদোন্
ইতুক ইতুক পির্বর্ ঝিমিলেব' ত মাধা কব'ঙান্
কুর্ কুর্ ত চরগাবোর সুদোনাল্
কদক্ আওঝে দ্বি হাদে কাত্যা সুদোনী।



### কন্না সম্যা কা মনত্

এইলে এইলে বেড়ানা দাড়া গালি খের'ছেড়ে পাদারি গাজত বোই থানা লাজারীর কাদা ছেডে। রচ্যার নেইয়ে কধা আনোনী চোগোর রিনি চানা আমত্ তলেন্দি নিগিলি যায় সক্কেনে কোচ্পানা কাদাস বাচ্যা ঘা লোই পালঙে ধস্যা নরুস্যা হাজি যেন ছ'মাস বাদে ঘুমতুন জাগিল' চোগপুজি পুজি। এগজনর খানা তালত দিক পেলেই দেনা হেনা বানি থোইন্যায় মন' আঝা পুর'না। আঝি পুজি আজের গরি ত পদরত্ মুই নেই ন পেবে কুত্তেলেয়ো ন পেবে উজুলেই। তাঙোরিব্যা কক্কে তুই, পুগো বেলান উদিল্যা পজীমেদি আলেই গেলে যক্কে তুই বুঝিব্যা মুর গুজি থাকোই মন' আঝা পুরেলে দাগপরি থাকোই পিথ্যান ভলেল। ছলঙান এগজনম সিবংগ্য এগু কলম হ্র শিলত্ ধারাগোই সিমইসিম্যা ওক্ এই জনম বেগ্' দোল্ কধানি বেগ্' দোল্ কামানি এগদিন ভাঙি যায় ঝরি পড়ে চোগ' পানি ইদোত্তানি ভাঝি যায় আয়লোম স্ববনত কি আঘে কিনেই কন্না সম্যা কা মনত।



# কুজি কলা পাদারঙ্

থপ্পে থপ্পে হেল খেরত্ বজানা থরে থরে যক্কারি মান্যরে রজানা, মেজাং নয় বুজোং বেড় এজেলা বাচ্ মজুঙে কি গেল। বুগ্ভরা মনলোই লুর'ধরি উজনা মেঅঙর কাস্সেক কি কবে কনা? আঙোরী অলে চেইয়, অয় চেইয় অলে আঙোরী অয়। পিবির পিবির লাঙেল' পিদ পরান গরের দিদিক দিদিক। কচ্ কুযুম খা গোই মেড় গরি থাক্ কেবা ন চিনিল্যা গিরা চিন্ জুয় গরি থাক্। তুই মুই বেক্ সঙ্ কুজি কলা পাদারঙ্।



## মোনমুর হাজিব্য

থ্য় শাগ' গাছ্যত জুন' পহুর বাজিব্য হাজি হাজি, পুগো বেলান রাঙাগরি উদিব্য। রাঙা বেল পহুরে পহুরে জাগিবং আমি আমা পিজে জাগিব্যাক আমা চিজিদাগি। চেরাগ্ হাজি হাজিব্যাক পুর'নী দিন মাদান ফিরিব্য দৃয়মেলি বারগী পেক্য আগাজত্ উড়িব্য। এগদিন সুদিন ঘুরি ফিরি এব বেগর মন আঝানিত্ সুগে ব' বেব। এগকুই এগমন অবদে দিন দিন বিজুদিন এবদে বিজু পেক্য বিজু বিজু ডাগিব্য। বারিজ্যা খরানর ঝিগাফুল বারমাস ফুদিব্যাক ভাঙিব্য তারা ভুল। এদেজর চিজি দাগিয়ো সেই লগে ফুদিব্যাক্ চোরোকেত্যা এই দেচ্ছান তুমবাজ্ গরিব্যাক্ তুমবাজে এগদিন মোন মুর' হাজিব্য।



### খুল কাজা মন্

এক্কান্ মন দয্যাত্ সাজুরিলুং আর এক্কান মন দয্যাত্ লুঙি লুং স্ববনে নয় পথমে অজার্ জাগাত্। নেই সিদু বাঘ ভালুক্ নেই হেদোহেদার্ মুজুঙে রিপ্ রিপ্ দাঙ্গা পাদার্ পুঙোং গুজুরী উদে গুউভ্ ধনাত্ । চোণ্ চোণ্ মেন্ মেন্ কালা মোন্ কামায় কামায় কুচদেনা পথানি বিজোল কন্না যেন্ মুজুঙে উজর দামালোই র-নখোলাত্ । তিগুত্ তিগুত্ জুরোদন খরানর ফুলুন উমেয়ন ব নেই গরমে মোন্ মুরগুন্ যেন্ মনে কর্ লামিব্যার বর্ গাঙ্ ছড়াত্ । অঝার ইয়েথ্ পেৰার দারু ধক্ গাভুর মিল্যার হারুধক্ কাক্কন্যা ঝনত্ ঝানাত্। খূমো অইয়ে আঝানি স্ববনত্ স্ববন্ অয় দিন্ দিন্ গলি যাদে অই যেব' ক্ষয় আৰুক্য বাঝি থেব' পাদা কানি বনাত্। উরেরেই রেগা বেই উজ'না-ন ভাবন্ কিয়োজনে, পুরুলুং করে অন্ খুল'কাজা মানেইয়র খুলকাজা মন্।



# এই দেজর ছড়া গাঙ

এই দেজর ছডা গাঙ বাজি থেব' জনমান এই দেজর মুরমুরি মুইদ কোচ পাঙ্জ। কন' দিন যেদ' নয়' আযি কন দিন যেদ নয় ভাঝি ফুলে ফুলে এগদিন লেগা র-ব নাঙ। পিখীমিত্ এই দেচছান্ বেগ চোগোত্ স্বৰ্গচান্ জারে জারে নাজি যায় এই দেজর বোইয়েরান। কুজি দীগ পাদানি ঝরিন্যায় কর' দে রাঙা মেঘ সাজুরি বোইয়েরত্ ভাঝাদে ঘুম ভাঙি রিনি চায় বারিজ্যা মনান। এই দেজর রোদো ছাবা পরি আঘে পদমায় এই দেজর মন পেক্য মন সুগে গীদ গায়। রেঙে গীদে ভোরেই দে মনানি হাজি রেঙে পুগো বেলান উদেগী রঙে পহরে ভরি উদে জর্মরী বরগাঙ্ ।



# একদিন মা ত বুগোত

একদিন মা ত বুগোত্ দগীনর আভা ফিরিব্য এগদিন মা ত মনর সুগোর হাজি ফুদিব্য দারাগালি খের' ছেড়ে লাজারির কাদা ছেড়ে দুগে দুগে তুই মা জনম্য ন থেবে আমা দেজত রাঙাগরি পুগো বেল উদিবো। পহ্র অভ মা পহ্র অভ কুয়ঙে কুয়ঙে পহ্র অভ ত হাজির কোচপানায় ছড়াগাঙ্ক পহ্র অব। ভা ছাড়ি পেক্কন্যা উড়িব্যাক আগাজত হেল হেল জারানি নাজি যেব' বোইয়েরত্ বেগ'মন' আঝানি এগ গজর গরিবং জনম্য। বিদি যেইয়ে দিনুনমা থোগেইন্যায় কুরেবং হারেইয়ে বাগাদা নুয়' গরি উড়েবং বদ্যাদ্ আলচ্ রিষ্য লুগি মারি পুরেই দিবং মা তর মন আঝানি তে দোল সুদ'গলা জুনপহুর বাজিব্য। ন ভাবিচ্মা তুই চিদ্যা ন গরিচ্ চোগ' পানি পুজি ফেলা আর ন কানিচ্। ধবাকাদি হাজি হাজি ফিরি পেবং গে অকত্ এলে আমা দরপু গজি লবংগে চেই থাক মা তুই কাঝেই এজের সেদিন্য।

(চম্পক নগরর উদিজে)



# এই দেজর ছড়া গাঙ

এই দেজর ছড়া গাঙ বাজি থেব' জনমান এই দেজর মুরমুরি মুইদ কোচ পাঙ। কন' দিন যেদ' নয়' আযি কন দিন যেদ নয় ভাঝি ফুলে ফুলে এগদিন লেগা র-ব নাঙ। পিখীমিত এই দেচছান বেগ চোগোত স্বৰ্গচান জারে জারে নাজি যায় এই দেজর বোইয়েরান। কুজি দীগ পাদানি ঝরিন্যায় কর' দে রাঙা মেঘ সাজুরি বোইয়েরত ভাঝাদে ঘুম ভাঙি রিনি চায় বারিজ্যা মনান। এই দেজর রোদো ছাবা পরি আঘে পদমায় এই দেজর মন পেক্য মন সুগে গীদ গায়। রেঙে গীদে ভোরেই দে মনানি হাজি রেঙে পুগো বেলান উদেগী রঙে পহরে ভরি উদে জর্মরী বরগাঙ।



# একদিন মা ত বুগোত

একদিন মা ত বুগোত্ দগীনর আভা ফিরিব্য এগদিন মা ত মনর সুগোর হাজি ফুদিব্য দারাগালি খের' ছেড়ে লাজারির কাদা ছেড়ে দুগে দুগে তুই মা জনম্য ন থেবে আমা দেজত রাঙাগরি পুগো বেল উদিবো। পহ্র অভ মা পহ্র অভ কুয়ঙে কুয়ঙে পহ্র অভ ত হাজির কোচপানায় ছড়াগাঙ্ পহ্র অব। ভা ছাড়ি পেক্কন্যা উড়িব্যাক আগাজত হেল হেল জারানি নাজি যেব' বোইয়েরত্ বেগ'মন' আঝানি এগ গজর গরিবং জনম্য। বিদি যেইয়ে দিনুনমা থোগেইন্যায় কুরেবং হারেইয়ে বাগাদা নুয়' গরি উড়েবং বদ্যাদ্ আলচ্ রিষ্য লুগি মারি পুরেই দিবং মা তর মন আঝানি তে দোল সুদ'গলা জুনপহর বাজিব্য। ন ভাবিচ্মা তুই চিদ্যা ন গরিচ্ চোগ' পানি পুজি ফেলা আর ন কানিচ্। ধবাকাদি হাজি হাজি ফিরি পেবং গে অকত্ এলে আমা দরপ্ গজি লবংগে চেই থাক মা তুই কাঝেই এজের সেদিন্য।

(চম্পক নগরর উদিজে)



#### সংসারান আলাম

সংসারান আলাম-নানা বাবদর চাবোগী নানা রঙলোই বানেইয়া খাদি। নানা মান্যর নানা কধা ধরি ন পায় কোন' দিন কায়কুই পারক পারক আগাজর চান, তারা। সংসারান আলাম-এক্কান শুনিল্যা এক্কান কন। পিচ্ছে পিচ্ছে মুজুঙে মুজুঙে যেজান্যা আদার থোগেই শামুক বেড়ান সেজান্যা কুদুকুনে বিদি যেইয়ে কধানি দুবগিলি হেনা বানি থান। সংসারান আলাম-মাল্লেং পাগানার খর'ধক্ লাঙ্গ্যা লাঙোনীর পরাধক্ যা মনর যার যিয়েন মনে মনযক্কা যেন জুলজুল্যা পাগানা বিষ পোড়া। পিত্য মরায় উগুরী উদোন সিত্ত কোম্যাগুনে মুষ্য যান সংসারান আলাম।



# কবা ইচ্ছ্যা গাদানা লোই

কবা ইচ্ছ্যা গাধানা লোই
বুর্ পরিন্যায় কি অভ'
তুরুক্ ন ছিনি তুরুক্ মারল্যা
জীংহানীয়ান্ ওল্ অব।
বিজোল্ মনান বিজোল্ অলে
কানি পাদালোই ধরা পরে
যোঘ্য ন ছিনি যোগ্য, ধোল্ল্যা
আন্ধারত্ পুম্ ওয় পরে।
কত্তি পানিয়ে বিযুম্ যাদে
মুষ্য গেলেগোই
ভ্ যুদো অইয়ে পরান্ ঘরান্
সল্লি বল্লি ওইয়ে গোই।



#### সংসারান আলাম

সংসারান আলাম-নানা বাবদর চাবোগী নানা রঙলোই বানেইয়া খাদি। নানা মান্যর নানা কধা ধরি ন পায় কোন' দিন্ কায়কুই পারক পারক আগাজর চান, তারা। সংসারান আলাম-একান শুনিল্যা একান কন। পিচ্ছে পিচ্ছে মুজুঙে মুজুঙে যেজান্যা আদার থোগেই শামুক বেড়ান সেজান্যা কুদুকুনে বিদি যেইয়ে কধানি দুবগিলি হেনা বানি থান। সংসারান আলাম-মাল্লেং পাগানার খর'ধক্ লাঙ্গ্যা লাঙোনীর পরাধক যা মনর যার যিয়েন মনে মনযকা যেন জুলজুল্যা পাগানা বিষ পোডা। পিত্য মরায় উগুরী উদোন সিত্ত কোম্যাগুনে মুষ্য যান সংসারান আলাম।



## কবা ইচ্ছ্যা গাদানা লোই

কবা ইচ্ছ্যা গাধানা লোই
বুর্ পরিন্যায় কি অভ'
তুরুক্ ন ছিনি তুরুক্ মারল্যা
জীংহানীয়ান্ ওল্ অব।
বিজোল্ মনান বিজোল্ অলে
কানি পাদালোই ধরা পরে
যোঘ্য ন ছিনি যোগ্য, ধোল্ল্যা
আন্ধারত্ থুম্ ওয় পরে।
কত্তি পানিয়ে বিযুম্ যাদে
মুষ্য গেলেগোই
ভ্ যুদো অইয়ে পরান্ ঘরান্
সল্লি বল্লি ওইয়ে গোই।



#### সংসারান আলাম

সংসারান আলাম-নানা বাবদর চাবোগী নানা রঙলোই বানেইয়া খাদি। নানা মান্যুর নানা কধা ধরি ন পায় কোন' দিন্ কায়কুই পারক পারক্ আগাজর চান, তারা। সংসারান আলাম-একান শুনিল্যা একান কন। পিচ্ছে পিচ্ছে মুজুঙে মুজুঙে যেজান্যা আদার থোগেই শামুক বেড়ান সেজান্যা কুদুকুনে বিদি যেইয়ে কধানি দুবগিলি হেনা বানি থান। সংসারান আলাম-মাল্লেং পাগানার খর'ধক্ লাঙ্গ্যা লাঙোনীর পরাধক যা মনর যার যিয়েন মনে মনযক্কা যেন জুলজুল্যা পাগানা বিষ পোড়া। পিত্য মরায় উগুরী উদোন সিত্ত কোম্যাগুনে মুষ্য যান্ সংসারান আলাম।



# কবা ইচ্ছ্যা গাদানা লোই

কবা ইচ্ছ্যা গাধানা লোই
বুর্ পরিন্যায় কি অভ'
তুরুক্ ন ছিনি তুরুক্ মারল্যা
জীংহানীয়ান্ ওল্ অব।
বিজোল্ মনান বিজোল্ অলে
কানি পাদালোই ধরা পরে
যোঘ্য ন ছিনি যোগ্য, ধোল্ল্যা
আন্ধারত্ থুম্ ওয় পরে।
কত্তি পানিয়ে বিযুম্ যাদে
মুষ্য গেলেগোই
ভ্ যুদো অইয়ে পরান্ ঘরান্
সল্লি বল্লি ওইয়ে গোই।





# কবা ইচ্ছ্যা গাদানা লোই

কবা ইচ্ছ্যা গাধানা লোই
বুর্ পরিন্যায় কি অভ'
তুরুক্ ন ছিনি তুরুক্ মারল্যা
জীংহানীয়ান্ ওল্ অব।
বিজোল্ মনান বিজোল্ অলে
কানি পাদালোই ধরা পরে
যোঘ্য ন ছিনি যোগ্য, ধোল্ল্যা
আন্ধারত্ থুম্ ওয় পরে।
কত্তি পানিয়ে বিযুম্ যাদে
মুষ্য গেলেগোই
ভ্ যুদো অইয়ে পরান্ ঘরান্
সল্লি বল্লি ওইয়ে গোই।



# উইপুগো হে্না

তোমাকোচ্ পানাত্ ম মনান আমিজ্যা গুড়্বদ' কারি উদে প্লাং ওই পরি যেদ' চায় ইনজেবর সাঙু বেই কালিক ম জীংকানীত তানাপয্যান্ত তোমাভূলে তুমি নেই। গভীর মুরতুন ইদোত্ তুলি এগহেব্ ভাবি চেয়ো ভালেদী চোগোত তোমা নাঙে মুই এলাফেলা তোমা চোগোত তুমি দোল তুমি সনাডলা। বুয়ং পাদারে দয্যা আঝা মর্ কূল নেই আন্ধারত্ অগ'মানে সেনত্যায় কঙ্ তুমি এঝ আঘ' কুদু চিদ্যা ন গচ্য কোনদিন ন এইম আর তোমাইদু। তমা গাগোলী সুগোত মুই হাজিম জনম ভরি তুমি দোল তুমি গম মুই ইয়েন চাঙ ভঝং মনে তোমারে কোনু হেবু পেবার ন চাঙু । ভূলেয়ো কোন' হেব ইয়েন মনে নগচ্য তমা মালক্ষীমা ধান গলাত্ আগুন জ্বালেই দিম্ আধেই পেইয়া নুনো গলাত্ পানি ডালি দিম্। এবারত্ বেক্কুন্যা তুমি হাজির উঝির থেই পারিব্যা মত্যায় বিলি তুমি আর ন থাক্য মু তলে গরি ভূল আর ন গচ্য মল্লোই কুদুম জুরি। যেদিন্যা গঙারে ভাঝি যেই পারিম তোমাকায় কুরেতুন সেদিন্যা এই কবাল্ পরা মদ্ পাগালারে আর্ ন দেগিব্যা কোই পারং উজোত্ খেই রোগোনী অলে বেক্কুন্যা যক্ কারিদিবাঁ থোক তোমা চোগ্চাল্ আর হদুং না চাং মুই উইপুগো হেনালোই বোই ন থাক্কো দাত্ ভিরি বেড়ান্যা তথাের যে পদে এস্যা সে পদে যেবগােই জারছিড়ি। কি গত্তং আর মন' হাবিলেচ্ বিজোল্ 'ওই আঘে স্ববনর চেরাগ্ জ্বালেই চুয়'কালি পহরত্ তমা ধক্যা মুইয়-দ বাবর পুদ্ মুইয়'দ মরদ্।

## কবা ইচ্ছ্যা গাদানা লোই

কবা ইচ্ছ্যা গাধানা লোই
বুর্ পরিন্যায় কি অভ'
তুরুক্ ন ছিনি তুরুক্ মারল্যা
জীংহানীয়ান্ ওল্ অব।
বিজোল্ মনান বিজোল্ অলে
কানি পাদালোই ধরা পরে
যোঘ্য ন ছিনি যোগ্য, ধোল্ল্যা
আন্ধারত্ থুম্ ওয় পরে।
কত্তি পানিয়ে বিযুম্ যাদে
মুষ্য গেলেগোই
ভ্ যুদো অইয়ে পরান্ ঘরান্
সল্লি বল্লি ওইয়ে গোই।





# উইপুগো হ্বেনা

তোমাকোচ্ পানাত্ ম মনান আমিজ্যা গুঙুদ' কারি উদে প্লাং ওই পরি যেদ' চায় ইনজেবর সাঙ্কু বেই কালিক ম জীংকানীত তানাপয্যান্ত তোমাভূলে তুমি নেই। গভীর মুরতুন ইদোত তুলি এগহেব ভাবি চেয়ো ভালেদী চোগোত তোমা নাঙে মুই এলাফেলা তোমা চোগোত তুমি দোল তুমি সনাডলা। বুয়ং পাদারে দয্যা আঝা মর্ কূল নেই আন্ধারত্ অগ'মানে সেনত্যায় কঙ্ তুমি এঝ আঘ' কুদু চিদ্যা ন গচ্য কোনদিন ন এইম আর তোমাইদু। তমা গাগোলী সুগোত মুই হাজিম্ জনম ভরি তুমি দোল্ তুমি গম্ মুই ইয়েন্ চাঙ্ ভঝং মনে তোমারে কোন হেব পেবার ন চাঙ। ভূলেয়ো কোন' হেব ইয়েন মনে নগচ্য তমা মালক্ষীমা ধান গলাত আগুন জ্বালেই দিম্ আধেই পেইয়া নুনো গলাত পানি ডালি দিম । এবারত বেক্কুন্যা তুমি হাজির উঝির থেই পারিব্যা মত্যায় বিলি তুমি আর ন থাক্য মু তলে গরি ভূল আর ন গচ্য মল্লোই কুদুম জুরি। যেদিন্যা গঙারে ভাঝি যেই পারিম তোমাকায় কুরেন্ত্রন সেদিন্যা এই কবাল পরা মদ্ পাগালারে আর্ ন দেগিব্যা কোই পারং উজোত খেই রোগোনী অলে বেক্নুন্যা যক্ কারিদিবটা থোক তোমা চোগ্চাল আর হদুং না চাং মুই উইপুগো হেনালোই বোই ন থাক্কো দাত ভিরি বেড়ান্যা তথাের যে পদে এস্যা সে পদে যেবগােই জারছিড়ি। কি গত্তুং আর মন' হাবিলেচ্ বিজোল্ ওই আঘে স্ববনর চেরাগ্ জ্বালেই চুয়'কালি পহরত্ তমা ধক্যা মুইয়-দ বাবর পুদ্ মুইয়'দ মরদ্।

### জুর হারা পেক্

नाःनाः । त्यनाः (यनाः কিয়োজনু ম কায় নেই যে এল হাওঝর সমারী থেয়ো আর্ নেই। পরানান সিগুদ্ গরে তারে ইদোত্ হ্লে র-সারি ডাগি চাং তুয়' সমত্ ন দে। কধা হ্বার এল' কোম্ কোম্ গরি ক-না ন হ্ল' এইম এইম কোইয়ে ফিরি ন এল' চিকচিক্যা ম জীংকানী কুধু তে কুধু মুই কুধু আর দেগাদেগী হৃদং। যুগ্ যুগ্ বাচ্ছেই রলুং এল' গেল' কদক্ ফাগুন্ তুয়' মনানে যগে, এব' এব' এব' এদক্ আর ন থোগেছ্ চয়চম্পত্তি জুগোল্ গর্ আঝা ন হারেছ। জেরে বেক্কানী কুরেলুং থুবেলুং ভারী যন্তনে থোই দিলুং হাওঝর ফুল্ছরা গাধেলুং পিনেই দিবের আঝায় কাদেলুং ভালোক যুগ্ পদ' কেত্যা চেই চেই। এগদিন দেলুং পথান জার্ অল' ফুলছরা সিদে অল' বেরবেরেই মরে মুই কুধু হারেলুং। ভাবিচেই হাজিলুং বুঝিলুং তে আর্ এদ' নয়্ তে যেইয়ে আঝা দিন্যায় পাযাদি মুই হলুং জুর হারা পেক্।



### বোজেগী পোর্নিমা

এজ' এজ' গরি যেই ভাবনা।

এঝ' মিলি বেগে যেই শুনিবং ভান্তেদাগি দেশনা এচ্যা শুভ বোজেগী পোর্নিমা। কিয়ঙে কিয়ঙে লুঙিন্যায় পুন্যর বাত্তি জ্বালেয়োই পাপ, কাজর ধোই ফেলেই ধর্মর ছাবাত তলে জিরেয়োই এঝ' যেই এঝ'না। এস্যা দিন্যত ভগবান' জন্ম বুদ্ধত্ব লাভ জন্মে জন্মে সাধানার পুরেই পেইয়া ধাপ । বোধি গাছ্য জনোইয়া এদিনোত্ জনোইয়া তা কন্টক্ এই দিন্যত্ দেগেই দিল' বেগরে ভগবান বুদ্ধ মহাপরি নির্বান পদ সেই পদে আমিয়ো আদিবং এঝ' না। পিখীমিত্ এই দিন্যত্ বেগত্যায় ধর্মে পূর্ণো ভরন্ বুদ্ধ দেশর মানেইয়র যেন আধেই পেইয়ে ধন। আমিয়ো সাধি যুদি এগামনে পূর্ন্যর কুম্ ভরি যেব' এগদিন্ ইগীম্ দান ফলে এঝ' গরি সমারে দান দক্ষিনা। অশোক রাজা উডেইয়ে যেন বৃদ্ধর বাগাদা আমিয়ো উড়েই দিবং ৰুদ্ধর বাগাদা। বুদ্ধ ধর্ম সংঘ নাঙে পূর্ণ্য বাত্তি জ্বালেবং ধর্ম পথান যুরি লোইন্যায় পঞ্চশিলুং পালেবং



### জুর হারা পেক্

नाःनाः । त्यनाः (यनाः কিয়োজন্ ম কায় নেই যে এল হাওঝর সমারী থেয়ো আর্ নেই। পরানান সিগুদ্ গরে তারে ইদোত্ হ্লে র-সারি ডাগি চাং তুয়' সমত্ ন দে। কধা হ্বার এল' কোম্ কোম্ গরি ক-না ন হ্ল' এইম এইম কোইয়ে ফিরি ন এল' চিকচিক্যা ম জীংকানী কুধু তে কুধু মুই কুধু আর্ দেগাদেগী হৃদং। যুগ্ যুগ্ বাচ্ছেই রলুং এল' গেল' কদক্ ফাগুন্ তুয়' মনানে যগে, এব' এব' এব' এদক্ আর ন থোগেছ্ চয়চম্পত্তি জুগোল্ গর্ আঝা ন হারেছ। জেরে বেক্কানী কুরেলুং থুবেলুং ভারী যন্তনে থোই দিলুং হাওঝর ফুল্ছরা গাধেলুং পিনেই দিবের আঝায় কাদেলুং ভালোক যুগ পদ' কেত্যা চেই চেই। এগদিন দেলুং পথান জার্ অল' ফুলছরা সিদে অল' বেরবেরেই মরে মুই কুধু হারেলুং। ভাবিচেই হাজিলুং বুঝিলুং তে আর্ এদ' নয়্ তে যেইয়ে আঝা দিন্যায় পাযাদি মুই হলুং জুর হারা পেক্।





### বোজেগী পোর্নিমা

এঝ' মিলি বেগে যেই শুনিবং ভাস্তেদাগি দেশনা এচ্যা শুভ বোজেগী পোর্নিমা। কিয়ঙে কিয়ঙে লুঙিন্যায় পূন্যর বাত্তি জ্বালেয়োই পাপ, কাজর ধোই ফেলেই ধর্মর ছাবাত্ তলে জিরেয়োই এঝ' যেই এঝ'না। এস্যা দিন্যত ভগবান' জন্ম বুদ্ধত্ব লাভ্ জন্মে জন্মে সাধানার পুরেই পেইয়া ধাপ । বোধি গাছ্য জন্মেইয়া এদিনোত্ জন্মেইয়া তা কন্টক্ এই দিন্যত্ দেগেই দিল' বেগরে ভগবান বুদ্ধ মহাপরি নির্বান পদ সেই পদে আমিয়ো আদিবং এঝ' না। পিখীমিত্ এই দিন্যত্ বেগত্যায় ধর্মে পূর্ণ্যে ভরন্ বুদ্ধ দেশর মানেইয়র যেন আধেই পেইয়ে ধন। আমিয়ো সাধি যুদি এগামনে পূর্নার কুম্ ভরি যেব' এগদিন্ ইগীম্ দান ফলে এঝ' গরি সমারে দান দক্ষিনা। অশোক রাজা উড়েইয়ে যেন বুদ্ধর বাগাদা আমিয়ো উড়েই দিবং বুদ্ধর বাগাদা। বুদ্ধ ধর্ম সংঘ নাঙে পূর্ণ্য বাত্তি জ্বালেবং ধর্ম পত্থান যুরি লোইন্যায় পঞ্চশিলুং পালেবং এজ' এজ' গরি যেই ভাবনা।



### যেই চিজিবো যেই

যেই চিজিবো যেই আমা জুমোত যেই বেবেই আঘে বুজি আঘে লাজেবার কিচ্ছু নেই। ছাবায় ছাবায় জিরেবং লাঙেল' পিদিত্ ব খেবং রাঙা রাঙা সিন্দিরাওন তির্ দিবোরত্ থোগেবং। নুয়' জুমোর নুয় ধান এবার ন চায় পরানান সিদু যেবং যেই খেংগ্ রঙান বেয় । আঙাপঙা ধুবোত বোড়েই কল্ল্যাঙ্বনোত্ পাদিবং বেল দিবোরত ছড়ায় ছড়ায় কাঙারা ইজ্যা ধরিবং। এজান্যা দিনোত্ শিল্সাদার গাভুর অব'দে বিজোল বিজোল কুচ দি-দি লারে লারে যেবংগে। তাগলক্ দ্যা জুর' পানি



জুম' লেজাত্ কুয়'ব্য কায় বুজি অলে বাগত্ যেব' বেবেই থেব' গায় গায়। দোল্ পিনোনান পিনি ল রাঙা হাদিয়ান বানি ল পুল্লেং উক্য বুগিনেই আয় না যাদি জুগুলেই। বেবেই আঘে বুজি আঘে লাজেবার কিচ্ছু নেই যেই চিজিব্য যেই।



#### একু দলক দে

ছড়াছড়ি মুরমরি চিগোন এক্কান দেচ্ আঘে আদি যান্দে বেচ্ দেরী নেই এক্কু দলক্ দে। চিননি ভেই চিন'নি দেখ্যানি ভেই দেখ্যানি কুধু আঘে সে দেচ্ছান থোগেই চুপ্পনি। কোই পারিব্যা গমেদালে বিজগ রিনি চেলে এগকুচ দিকুচ লাব্ বাড়েই ন্যায় যক্কে থিয়েব' তে। কধা কব' ধাঙর অব' রিনি চেব' পিখীমি লারে লারে গা ধরিব্য সুগোর সুরে গীত্যানি। ছয়্ সাগজ্যা ফুল ফুদিব্যাক্ ফুলোর হাজিলোই চের কেত্যা তুমবাজে মন গলি যেব' গোই। গরবা পেক্কন গরবা এবাক চিনি লবাক তারে কোই পারিব্যা গমেদালে বিজগ রিনি চেলে। এগদিন অব' আদারা হারুস্যা নাগর মাদিব্য এই পিখীমিত্ আগ্ পাদাত্ তা নাঙ উদিব্য। লেগা থেব জনম ভরি জনম জনম গেলেয়' মা বোন লগে বাচ্ছেই আঘন কক্কে এব' সেদিনু। গায় গাভুরী গায় বেড়েব' সেদিন ফিরি এলে শিল সাদারাত রোদ ফুদিব্য সে দেচ্ছানত পহুর অলে আদি যান্দে বেচ্ দেরী নেই এক্কু দলক্ দে।

(চম্পক নগরর উদিজে)



## নূয় ঘর বানি

এদেজর মেক্কানী এদেজর রানজুনী ভারী দোল, দোল লাগে মানেইয়র মনানী। পোর্নিমা জুন'পহর ঘরে ঘরে এইদেজর চেরো কেত্যা গারিদে পহুর। ফাগুনোর বোইয়েরান দেগেই দে পথান গায় গায় উড়ি যায় মনান। ন ফুরয় কোনদিন আঝানি ন পুরয় কোনহেব গীত্যানি। বারিজ্যা লামেদে এদেজত গঙারে জার কাল ফিরেদে আন্ধার কুয়' ছেড়ে। পেকুনো এদিনোত্ তারা রেত্ চেই বেড়াদন উড়ি উড়ি আমারে কোচ্ পেই। বোইয়েরত ভাঝি যায় ডাগি যায় জারানি খরানে ভাঙি যায় তারারো ঘুমানি। মোনে মোনে এদেজত ফুল ফুদি থান জুমে জুমে এদজত পেগে গীদ গাহান। গীদে রেঙে উন নেই এই দেজর ভাবনাত্ ভাজাদে সুগোর স্ববন্ । কোচ পানা রেগাদি দেচ্ছান ভোরেইদি এঝ' মিলি বেগে নৃয়' ঘর' বানি।





### হেলু খের উগুরে

হেল্ খের ' উগুরে এঝ' ফুল্ ফুদি থান্ হেল গাজ' উগুরে এঝ' পেগে গীদ গাহান সেই এগদিন হারেইয়ে দেচ্ছানত। মনে মনে ভাবঙর তুই কুধু গেলে ঘুম্ ভাঙি থোগেই চাঙ্ ভূই ছাবা জুন' পহরে। ভাঝি যায় ছড়া নালু গায় গায় দিন্ দিন্ দ্য্যাত্ আঝি যায় শেল্ পুদি আঘে তর মনানত। এঝ' সিদু ডগরন কোগিলুন কানি কানি এক' সিদু উড়দন দৃয় মেলি বারগি। বানা তুই নেই চিক্চিক্যা লাগেদে যা যা ফিরি যা বোইয়েরত্। এজ সিদু আঘে উমু উমু আদামর ঘর এজ' সিদু পদ' কুচ্ দ্বি চোগোত্ ভাজন। পথান্ চেই রইয়ে রানি খৃয়র আন্ধলে জুনিগুনে জাগি আঘন ওল্ আর ন অভে নত চড়ি ভিরেগোই ঘাট্টানত সেই এগদিন হারেইয়ে দেচ্ছানত ।

(বিজয় গিরি উদিজে)



## জুম্ম দেজর গাভুরী

জুম্ম দেজর গাভুরী কি ভাবর তুই নিগুরী আমারে ফেলেই ন যেচ্ আরু আয় না সমারী। দেচ দুনিয়া রিনি চেই কি গরিবং ভাবিচেই যাদ' বাডে যেদং নয় মন'কলে খেই ন পেই। ঘরত থেবং জনম ভরি ঘরত মরিবং বর্ব ভূজোল্ বেই গেলেয়ো কামত্ লামিবং। ধর্য্য ধরি সজ্য গরি যুদি থিগি থেই পারি মন' আঝা পুরেই দিবং সক্কে সমারী। তুইয়' এচ্যা দেগর-দ কেঙেরী দিন কাদের রেদে দিনে ঝড়ত ভিঝির কদক আজার খের। ভেইয়ে বোনে দেঘা নেই বেক্কন্যা মন' দূগোত তুইয় যুদি ফেলেই যাচ কন্না থেব' আমা বুগোত। সুগ্ একু ন' থোগেছ গাড়ী ঘোড়া ন কিনিচ্ মনান্ তুই ধরি রাগা মন' দুগু ন তুলিচ্ থরি থাক্ থরি থাক্ ধর'মর' পিনোন পিনি দৌল হলেয়ো লুঙি মার পরেইয়ে শাড়ি। ভাত মজা গরি দেগি তাগলান ধারেই দেগি তলেন্দি যিগুন আঘন তারারে শিগেইদেগী। সাঙ বেই উদিবং পেগো ধক্যা উডিবং পিচ্ছেন্দী যিগুনে পরি থান টানি তুলিবং। হাদে হাদে ধরাদজ্যা যাদ'মু দেগা পেলে ইত্তন পারা কি সুগ আঘে যুদিয়ো মরি গেলে। ন যেচ্ আরু কনকেত্যা ফিরি আয় ভূলু ভাঙি ত ভেইয়োরে চিৎপুরি ল্যা কামত বলদেগী জুম্ম' দেজর গাভুরী।



# রাঙাবী তুই নেই সেনত্যায়

রাঙাবী তুই নেই সেনত্যায় চানান আর ন হাজে তারাগুন ন জুলন বোইয়েরান ন বায় গমে। রাঙাবী তুই নেই সেনত্যায় কোগিল্রো ন ডগরে আবত যাবত ন গায় আর গীদ জ্জ্বীয়ো ঝর্ ঝর্ ন গরে অনসুর সুগোই যার দিন্ দিন্। রাঙাবী তুই নেই সেনত্যায় মনু মোজিমু ন বেড়ান গাভুর লক্ জিরেনী খেলাত আর ন জিরেন খেংগরং বাযি-র শুন ন যায় আদামত পিখীমি যেন্ লাগের চেরোকেত্যা খেলাং খেলাং। রাঙাবী তুই নেই সেনত্যায় ম মনর তুবোলুনো ম অয়োন কধা কধে বেসোনযুক লাগে কালিক জ্বলি উদে বুগ এগজা থেই থেই। রাঙাবী তুই নেই সেনত্যায় ম আজাত জৎ বদি গেল তল্লোই মর সুগে ঘর বানা ন হল' কোন ' কিচ্ছু কামত উচ্ছো ও ন গরে ভাবঙর এগজা দিনুন গনি গনি। রাঙাবী তুই নেই কেই ম ধাগে পাযারত কিয়োজন নেই।





### সেদাম নেই যার তিন মোক তার

কুধুকুন্ মানুচ আঘন্ যাদ' মাধাত্ কুচ দি বেড়ান্ পরেইয়া গাঙত উধিজে সাজুরোন্ আ কুধুকুন মানুজ আঘন্ নিজে চেদেই ন বারি আর'এগু জনর ভুদি আঙুদোন উল্লেই উল্লেই রিনি চানু কি আঘে কি নেই। তারা পিজে মুজুঙে ন ভাবি জারি পারিব্যার আজায় বানা জালাব্বর কধা তাগোইয়ে হোলেবার চান উম' কুর'ধক্ উম্ দেদে দেদে কিচ্ছু উভ্ন থায় কক্কে পদর কান ওই আরাঙান হারান। অজলত্ত্বন অজলত্ দজ্ বার' লাব্ চেগামারি খেই ন পেইয়া উবোস্যা নাধা মান্জ্যর খাস্সেক নিগিল্যান্ ধাঙরতুন ধাঙর হবার মনে কয় কাক্কনে তারার। সেনত্যায় আয়লোম পেগ চিবি চিবি কদক থোগেই চান্ যাদুগরর কেমআনু কুধু আঘে সিয়েন্ পেলে পিখীমি দুলু মুলু গরিম্ এই আজায় উন্দি চেলে তলায়ো লাগত্ ন পান্। সেজান্যা কুধুকুন মানুজ আঘন্ পইেয়য়ে দরপ্পোই নানুহোলেই মুজুঙে কালাম মারন্ চোগ' লাজ্ তুলি দেগান্ আর'ৣ্রকদক্ ভার্ আজলে ধাগ কধা অয় সেদাম্/যার তিন মোক্ তার্।



#### আলচ্যারে চেই চেই

কোন' এগ কাম্য্য রোদ্দোগোত্ কাম গরের আর তা কেইয়া বেই তেপ তেপ গাম পরের। আদেখ্যা গরি এগ আলচি তারে দেগিল এগ মাদান রিনি চেই চেই তারে হাজিল। আলচ্যা ক-ল অয় এনা তুই কাম্মো খৃজী হুই কি অবে সুগ্ নেই তর জনমমো। বোই থেলে সুগ পরি থেলে আর' বেচ ঘুম গেলে কধা নেই বোইয়ের এলে শেজ । ও ভেই কামমোইয়ে সুগ্ যুদি পেদে চাস্ ম কধা ধরিব্যা নলে বানা দুগ পেবে মাদি কামারেই মরিব্যা। আলচ্যার কধা শুনি কামমোইয়া রাগে রাঙা হুল' কি কব কোই ন পারের কেইয়া গাম তার সুগেল। শেজে কল' একুনু ধা গেদং পারা ধা আর কলে কাবিম যিদু যেবে যা। দুনিয়েত আলচিগুন কি জম্মেয়ন কিজেনী ধাবা এই আর মরে তুই শিগোল্লি ? কামমোয়ের কধাগানি আলচ্যা শুনি র-ল আলচির ও দাম আঘে ভেই চিগোন-র গরি কল 🗗 সিয়েন শুনি আর বেচু কামমোইয়ে রাগে গিরগিরের হাদত এক্কান তাগল এল' সিয়েন ও ঠিক্ ঠিগের। আলচ্যা কায় কামমোইয়ে গঙ্দি উজেই গেল এবার তে তদা টানি ক-ল কিদাম আঘে আলচির কি কামত্ জুয়ন্ মরে এক্কানা কোই চাদে কোন পভিগে কোয়ন ? আলচ্যা ক-ল শুনু শুনু কামমোইয়ে তরে শুনঙর ভারী পূন্য বলে আলচ্ জন্ম অইয়ন।

আলচির কাম নেই, নেই কিচ্ছু চিদে নিত্য সুগ তারা মনত থান রেঙে গীদে। মানেই কুলে আলচিয়ে স্বৰ্গ সূগ পাহান খেই ন পেলেয়ো তারা সুগে দিন কাদান । আর কামমোগুনে জনম ভরি গামে গামে রেত্ দিন মরণ তারা নর্গত্ কামে কামে। আলছি সান্যা সুগ ন পাহান কাম্ম্যগুনে জীবনত মাঘি ন জানন কি গত্তাক্ নেই কবালত্ । আলচ্যার কধান্তনি কাম্য্যইয়া এবার তারা তারা জুনি দেগের দুনিয়া আন্ধার দেগের তা কেইয়াত আগুন জুলের। হাদ তাগল্ লুগি মারি ধর' গরি গুস্ দি ধাবা যেই আলচ্যারে ধরিল তদা চিবি। এবার আলচি আর কাম্যার হল' বদাবদি তারা ধরে পুক্ জুক্ পেক্ বেগর পয্যা ধাদি। তুয়' তারার এবা নেই হেমা নেই মলা মলি দলাদলি ন অদন অদাঅধি। যেন্ রোত্তান্ যেন্ তারা কি চেবার অইয়েদে কেইয়া বেই গাম পরের খগাদন দুয়'জনে। এনে এনে আলচ্যা আর কাম্য্যইয়া পানি তিরোজে অর রিনি চেলে দোলেই দেগে কাম্ম্যইয়া ঘরান । ধাবা যেই কাম্যাইয়া ঘরতুন পানি খেই এল' বল্ পরিন্যায় ইন্দি আলচ্যা মাদিত্ পরি র-ল। পানি পানি গরের আয় কিয়োজনে দিইয়ে নেই যক কারের কাম্ম্যইয়া আলচ্যারে চেই চেই।

(नग्रम्रा कथालाই वात्नेटरःग्र)



## ফিরি যুদি এঝঙ্

ফিরি যুদি এঝঙ্ মুর' কিজিঙোত দাঙা ভূইয়' কলগত্ নাধেং পোত্তি রুগ ধরি আগাভ্ জারত উদনা পরানা নিবুলী পদথ্ তং ঘর মাজাত তরে ইদোত তুলি সালেন চেই থেচ মরে দগীন বোইয়েরত উভ মোন তারুমোত জজ্জরীরত ত চুলোর খবঙান উড়েই উড়েই বুগ' খাদিয়েন মেলিদি রাঙা চিক্ চিক্ বেল' পহরত । আমেনে দজনর সুদোমে হবংদেগা কোন এগু আয়ুপায়, দিনোত্ ইগীম চিদোর কোচ্পানালোই ফিরি যুদি এঝং মুই সংসার সাগরত ফুল পারা নৃয়'গরি জনমলোই। রিপরিপ্যা তিপ্ তিপ্যা দয্যাপারত্ মরে লাগত্ পেবে বারিজ্যা দেবার মেগুল' বোইয়েরে হারুস্যা আদারা এগ মানেই কুলর পুয়' নোনেইয়া নাগর চেরাগ্ হাজিলোই চান্ফুল্ খারা অদে। দয্যার তুবোলুনে মরে ডাগি যেবাক্ খেদি যাদ কুজি পাহার পাগেই আমোলী চোগর রিনি চাহান ত ধক্যা গরি কোচপেই আওঝে ছাবাদি থবাক তারা পিরগল্ নেইয়ে কোচ্ পাহানায়। চিনি যুদি লচু মরে ন কানিছ তুই ন ফেলেছ্ এগৃফুদ' চোগ' পানি। ডেল ফিরি এভ' জীংকানীত চেরাং বেরাং ওই উদিবো আগাছ গাঙচিলল উড়িব্যাক্ সুগোর বোইয়েরে এই সেদিন্যা আমিয়ো হাদে হাদ মিলেবং তল্লোই



দেবংশী কুলোর পারিজাত ফুল গাজত তলে

মান্তর ফিরি যুদি এঝঙ.....।

#### কন সাগরত

কয়পিরি পার হুই গেল' বানা দুগে দুগে মূর' দেজর অবুঝ বন্দার জীংকানী মন গাঙ্ সুগোর স্ববন ভাঙ্ভি গেল কমলে ভাবি চেয়োনি ইজেব গজ্যনি? কুধু গেল চম্পক্ কুদূগেল চাদিগাঙ্ কুধূ পুবং তুলির দীও মূর কুধু গেলাকু সোনা লোই মোড়েইয়া দিনুন আধেই চ বিজগত কি লেগা রোইয়ে? হারাদে হারাদে বেক্কানি আরেয়েই সুদ' কাত্তি কুধূ এচ্ছেই কনে কুন্দি পরি আঘি পালসিন্যা ওই গেলং জনমে জনমে। কদক্ রাজা এলাক্ গেলাক্ বেগে বুধি পুরেই নিল্যাক্ আমা রাজায় কি পেল' কিয়োই ন দেলাক্ কুধূ আমা ন গরান্ থোগেই আর সুপ্পনি? ফেলেই এলং চয়চস্পত্তি হারেই এলং জাগাভূই কদক্ ছ কুড়ি বিল্ ন কুড়ি আদাম্ ভাঙি গেল' যাদর্ কাঙেল্ লুগি গেল' নাঙ্। আর দ পেদং ন আর হাজার সাধিলেয়ো সেই পুরনী ভালেদ দিন বিজগর কুচুমাযারা পল্লানী লোভিয়দী কোচ পানা লোই নগভাচ সাজেইয়ে স্ববন রাধামন ধনপুদির ঘিলা খারা। গভীর গরি ভাবিচ ভেইলক্ মুরত্তুন্ কি অলং কি পেলং কি দেলং কিচেলং পরি আঘি কুদ্ধুরোত্ কন সাগরত্।







### ছড়াথূম দজরত

মেলেনি পাদা ম ন গান ভাঝেই দ্যাং ছডা লামনী চিরিং চারাং পেগো রয় উদের গদা পুরং গুজুরী। ইজ্যা মাজে খারা হদং কিয়ে আদার থোগাদন ঝক ফেলে ধরান কেই পল্লেই পল্লেই চেই আগং। যে দেগে ধাদন তুয়' গুঙুদ' কারি কুলুক তুলি তুলি শিল' ছেড়ে গাদ' ছেড়ে সমাদন কিজিস্যা গরি। দাগে পাযারাত রান্দাল ধগতন বাযি ধক র তারার কুধ যেন হাঝি যায় তারা রয় ম মনান। ঝুব' ছেড়ে ছেড়ে মরাপাদা উগুরে এগজা কজক কাজাক কি থোগেই বেড়াদন কিজেনি গুরি গুরি পেগো ঝাক্। পিয়ো পিয়ো চিক কারের গাভুর বিরেস্য ঢবাখাদি মেলি ব বাজের জলগা জলগা হাজের তা পৌরানী। ছড়া পাযারাত বিজু ফুল পেংফুল ফুদি ফুদি যাদন খক্ খক্ দিঙি শাগ' আগাগুনে মরে যেন্ ডাগদন। পিয়োক্ পিয়োক্ জুর ছড়া পানিয়েন এগামনে নাল্ ম পরানো তা লগে ভাঝি যেদ' মাগের। মা ইয়েং ইয়েং বেল্ পুকো বেল্ যাদে কোইদের কি তার্ মিদে র ছড়া ছড়ি মুর'মুরি উম্ গরি দেরণ मीपान् मीपान् नाना कनागाष्ट्र भूत'धाव**् थि**एउই आधुन् কুজি কুজি দীগ মেলি মরে চেই চেই হাজদন। রেদে দিনে কি চেব' পেগো গীদ ন পুরয় তদেগর তে তায় মন মজে চিৎ জুরয়। খুরল্যাব্য গাছ খুনের দুরোত রিফ রিফ তারেঙত কিয়োজন লগে নেই গায় গায় মুই আঘং ছড়াথম দজরত।

# বিজুরে জু জানেই

বেকুন্যা এজ'মিলিমঝি মনানিরে সঙগরি এক্কান সুদোত গাধেইন্যায় ফুলধক বনাগরি। হাজি রেঙে আদামত ঘরে ঘরে বেডেবং বুড় বুড়ীর বর লোইন্যায় বিজু দিন্য পালেবং। এস্যা আমার বিজু দিন বজর বজর ফিরি পেই বেক্সন্যা আমি এরাবেরা সদর কৃদুম ভেই। খারা হবং সংসমারে উম গরিবং তিন্যাদিন ফুল ভাঝেবং এগগাধত তুমবাজ থেব চিরদিন। ধোই ফেলেবং পাপকাজর ইংজে রিজ্যারিজি মনানিরে গধাদিবং ধর্ম পূর্ণ ভরণ গরি। মা বোন এজ' বাপভেই এজ' এজ' গুর লক বিজু খেবং পেত্ ভরন্ খুলি দিবং সুগোর পদ । ছয় সাগজ্যা নানা পেগে উত্তোন দৃয়' মেলি বিজু পেরুন ডাগদন বিজু বিজু সুরধরি। সুগোর হাজি সুগোর ব কন'কিচ্ছুর উন'নেই পত্তি বজর এজ' আমি বিজুরে জু জানেই।



# একু দিনোত থিগিল্যা

আমলানি পালং অলে ফিরেবার ভ নেই মনানে পিদ্ দিল্যা ভাঙি যায় উরুরেই। ভাঝিল্যা আঝিল্যা ন যায় ধাগ কধা আঘে মন্দরে ন ধরে আর গভাওই জুগ্ বানে। মন সন্ধক ধন্দুক অলে গরম ভাব নিগিল্যা বুগ পরান চৎপদায় ভাতৃ পানি ন রুঝে। লুক দিল্যা দেগা নেই এনে এনে ভঝ্ যায় আক্লক্য আ চলঙান কধাগানি ভাঝি থায়। ভাবি ভাবি কধাকনা কি হলুং ভাবানা মরে মুই কি দেগং জ্ঞান পাল্লাত্ মাবানা। এ গোলুং ও গোলুং নাগু অজল মনে মনে ভার্ গরি বিজিরেই থোগেইন্যায় কি পেলে? খেরত বাঝি হে্দ এঝে ধগে ধগে জানিল্যা আযার খেই ধর'অনা এক দিনোত থিগিল্যা।





### তমার জ্ঞান পহুরে

সনা দাদা হিরে দাদা
মুজুঙো দিনর বেগর আঝা
তুমি অভা' পোর্নিমা চান্
মা পিথীমিত্ জ্বলি থেবা।
পহ্র গরিবায়া মানেই কূল্
আদং কাজর ধোই ফেলেই
ছিদি দিব্যা জ্ঞান' তুমবাচ্
বুদ্ধ নীতি মনত্ রাগেই।
চেরোকেত্যা উম্ গরিব্যা
সুগ্ ঢালিদি ঘরে ঘরে
আন্ধার কারর ন থেব' আর্
তমার জ্ঞান' পহরে।





### ত ঘাট্টানত্

এজালি ঘাদর বান্যা ন-গান্ মর্ এগদিন বান্খুলি ইরিদিম্ তিপতিপ্যা গাঙর গুলোন্যা গঙারে ভাজেই দিম ত নাঙে তরে উদিস গরি যিদু তুই থাচ। মন' কাঝিলোই বানি থোচ পিঝি পিঝি ধরু' গরি পরেইয়া গাঙ্তু ন দিস্ ভিরেবার দুরোত্ ন দিস্ থেলি। কোই পারিব্যা ত কায় মুই আঘং তুবোলে তুবোলে পিরপিরেই পাল্ তুলি গুরুং গুরুং দেবা বোর ব পেই লুঙিলুং কি দুগে কেঙেরি। আমক্ অই তুই দেগী এগ্ রিমি হাজিব্যা থেব' চেরোকেত্যা মেঘু ভরনু আগাজত্ র নেই পেক্সনোর পদ থোগেই ভিরেবগী ম নগান ত ঘাট্টানত।





### হ্যাদকুরে বই (চিঞ্জির কবিতা)

কিজিক কাজাক্ চনা ডগন্তন গাজ' ঢেলাত্ বজি দুলোনত্ দুলের চিন্তিসনা বেগত্ বেগত্ হাজি। ফুল্ ফুন্তোনদে ফুল ফুন্তোনদে ফুলোর চিজি কই লেগা চিগিবো চিন্তিসনা হাদ' কুরে বই।





#### শুনি থেবে

ন কানিচ্ চিন্তি ন কানিচ্
টেঙেজাং টেঙেজাং গরঙর
লক্ষীগরি ঘুম্যা তুই
অলি ডাগি দোঙর।
ত ঘুমোনে পহ্র অলে
দাক্যরাদায় ডাগিব্যাক
বেলান্ উদিব্য রাঙা গরি
ফুলুন ফুদিব্যাক।
জিউক্ কুক্ কুক্ গোরেম তরে
আম্মুর কারি বেড়েবে
নানু করত্ দোলেই বজি
পচ্ছন্ শুনি থেবে।



### মানুচ্ অ

চিজিগুল' চোগ্মেল্
লেগা শিগ্ কলম ধর্
বেল্ উদের পহ্র অইয়ে
মন্ দিন্যায় বই পড় ।
জ্ঞানী অইন্যায় জ্ঞানগরি
জ্ঞান কামত্ হাদ দে
বজ্ঞ্ব টানি তুল্
আদ'দোক্ পদ্ দে ।
বুড়'বুড়ীর কধা শুন্
মাবাবর্ বর্ ল
সঙ্ পদধ্ কুচ্ বাড়েই
মনচ্য ধক্যা মানুচ্ অ।



# কাজলঙর এগ্ গাভুরী

কাজলঙর এগ্ গাভুরী দেখ্যং ভারী দোল্ তারে দেগী ম মনান তায়দু ভাঝি রোল্ নাঙান তার দুলোনী কি দৌল হাজি তার যেন দৌল চুলানী যদে পদে তা চুলানী মন্ত্ৰন মনত পোল কাজলঙর এগ্ গাভুরী দেখ্যং ভারী দোল্। চিত্তিবি চান্ চোক্কুন তার চিত্তিবি চান্ -র মরে দেগি মাদেল' লগে ডাগি-ল যেই কল আমা ঘরত একা একা হাজিল' তা হাজিবো আর' বেচ মনত ফুদি রোল কাজলঙর এগ গাভুরী দেখ্যং ভারী দোল। কাজলঙত পারত বোই কধা কোই য়েই দ্বিজনে লাজাং লাজাং কুচু বাড়েই যেয়ং তা লগে পারক অদে মরে কল আর' বেড়েচ্ছি রেত্যপরি গভ্ দিবং আমা ইদু থেচ্ছি মুয়ন তার রিনি চেলুং তে আমক ওল দ্বিব্যা চোগোত পানি দেগি মনান অল' জোল কাজলঙর এগ গাভুরী দেখ্যং ভারী দোল্।



### উযেই যেই

আয় সনাধন আয় সনাবী ঢিঙি পাদি ভারা বানি চালোনোত্ তুলি পঝি পঝি বিজু পিদ্যা ধুবো ধরি। পোগোন পোগোন পিদ্যা বানেই যাদি আযেই ওই লনা মিদ্যা হাড়ি পিদ্যাত দিবং হাদত লবং খইমলা। জল' বুদ্ধর বর লবং গাঙত দিবং ভাতজরা পূন্যগানিত ফুল ফুদেবং জম্মে জম্মে পেই পারা। ও সমাজ্যা এঝ' ভেই বিজু দিনোত্ বিজু খেই নুয়' নুয়' কাবড় উরিপিনি ধর্ম ঘরত উযেই যেই।



### ঝারি ফেলা মন রাগ্

এই জীবনত ও সমারী কি বানেলে কি ভাঙিল্যা কুধৃ থলে গজর বানি চস্পদর কাররে দ' নদিল্যা। কম'লে আর' কাবিল অবে থোগেই লবে আলামান বেন্ বুনিন্যায় ফুল্ তুলিন্যায় বাজেই থবে যাদ' মান। পজীমো আভাত্ মিঝি ন যেচ্ ভাবি বুঝি ফিরি আয় তুই অলেদে জুম্ম যাদর কাম্যাবী এগ্ দূরতুন চিন্ পায়। তুল' ধুনি তুচ তুচ তুচ চোরগীত ঘুরেই চরগাত পাগেই-ল পিনোন পিন্দি খাদি বান্দি ফুল্ বারেংঙ্য ধাগত্-থ। মুজুঙোত বানেই সাঙুডোর সাঝি কুড়ে ইজোর ঘর্ হাদ ইরিদি ন খোইন্যায় ফুলু চাবোগী বুন' ধর । কাম কর'জে ঘর গিরিত্তি ভরন্ গরি তুল্ শিগেই দেগী দেগেই দেগী পুরি ফেলা নিজ' ভুল্। যেদক্ আঘে খারা গীদ্ পৃম্ ন অইয়ে আধেই ধন থুবেই থুবেই কুড়েই লোইন্যায় পুরেই দিবং বেগর মন আয় সমারী ভালেদী কামত পহর বাজেবং পরাক পরাক ফুদেই তুলি জনম জনম ঝারি ফেলা মন' রাগ।

### কোইপারিব্যা

বেগর কধা বাদ দে, মন' কধা ইদোত তুল বুগো ধন্ধুগোত জমেই-ত কয়উক্য ফুল তুই কোই-ন পারছ মুইয়' কোই ন পারং গমে মনান কেঙেরী ওই যায় রাঙোচ্যা তুবোল। ঝড রেদোর স্ববনর কধা ভাবি ভাবি কোন' হেব নপেবে চোকচোক্যা আওঝ' পত্যারাঝি গভীন রেত্ তরে ন দিম্ তুলি চিৎপরা ছাড়া কুধ কার চিন্যা-র। আরেইন্যায় থোগাদে যারে আন্ধলে সাজেয়চ্ পানি সাজেয়চ্ কুড়িবো নাক্সফফুল থোগেই কোই ন পারচ ত দিচোগোর পহন পানিত্ সাজুত্তোন স্ববনর তারা তারা জুনি। বেগর কধা বাদ দে, মন' কধা ইদোত তুল্ ত বুগোত্ জমেইয়ে শিলসাদারা একুর সে শিলসাদারা যুনি খুয়োই আনচ্ একুটানে মনান সালে আর ধন্ধগোত ন থেব' কোইপারিব্যা।



# পুচ্যাল কাবিল (মাত্রাভিজ্ঞ)

লাদা পাদা এরামাছ যে দরপ্পান্ খেদে সাদ্ ইজেব্ গরি মু সামালেই দাগ কেম্দি থরি থাক্। পেলুং খেলুং ঈল্অনা কুন্দোল বেড়ি রাগানা পেলে খেলে কি অভ' নিজ' জ্ঞানদি ভাবানা। খাদে কন' মানানেই নিজরে নিজে মানা গহুর খেবে ন খেবে ভাবি চেই মনানত্ত্বন পুজোর গহর। জয় গরিব্যা ঘিনেইন্যায় জিল্যান চিগিদ্যাং গরানা রুদ' খাগোই চুয়দ্যা খাগোই বুদ্ধ কোইয়ে পুচ্যাল কাবিল অনা।



### নাবুং এলে কেঙেরী

ফুত্তোন ফুল গাজে গাজে ঢেলায় ঢেলায় রিনি চাদে দৌল্ লাগে দূরত্তুন এঝর তুই পিনোন পিনি খাদি বানি ভঙরায় নেযাদন' রেনু সেই নানা ফুলতুন। হাঝঙর মুই তরে দেগিন্যায় আগং বোরোই গাজত তলে কুম্ করত্ লোইন্যায় তুই ঘর মেক্যা যর পিচেছ পিচেছ রিনি চহর মরে। রোদোর আন্ধল মাধা কবঙানে বুগো আন্ধল আর' খাদিয়ানে ভারব্য আদানা কিরব্যা হাজি যদে পদে মানেইয়ে তরে। মরে মুই আমক্ অই দ্বিচোগে বুবো ধক্ এগরিমি চেই রোইয়ং মনে মনে মনানত্ ফুল গাধেই ন্যায় কি ভাবি কি কধে ওল্ অইয়ং। ক্য়'গাঙত্ কুম্ তর ত ধাগত্ বোজেদে বেল্ ঠির্ অয়সঙ তুইয় মরে বাচ্ছেদে দিন্ ভর্ কধা কধং বেল্ জুর' পরি এদ' ইন্দি নাল্ আদে পানিয়েন কুম্ ভরি প্লাংওই। ঘুর্ ঘুর্ দেবাবো মেগুল' বোইয়েরে



কোমবিজ খেই বারিমারি মনানত্ খেলাদে
বানা তর্ দ্বিবে চোগ্ ম সাঙেত্ আমিঝ্যা
তোরব্য পদে পদে ফিরিদং সমারে।
রেত্য এলে কদক পোতপোত্যা জুন'পহ্রত ইজুরোত্ বোই
ন ফুরেইয়ে কধাকোই মাদেলে ফার্ বাঝানা
জল্গা বোইয়েরে খারাঅদ' শুচ্ছেইয়ে ত চুলোনী
এনে এনে মান্তল স্ববনত্ রেত্ কাদানা।
কধে মরে, আঝা খেলে কাবিল বাড়ে
কিরব্যার সাঙুডোর্ হাদ বাবেই রেগাদি
পাদারা মনানত্ সিয়োকমে কাক্কে তর্
কোচ্ পানাত্ এদক্ নাবুং এলে কেঙেরী।



"ভাবিবের কধা" লেগিয়ে আ ফগদাং গরিয়েগুনরে জা। পাতৃক তুক...

"সি.ডিপি" কাম্যগুনে কমিউনিটি ডেভলাপমেন্ট প্রোচ্ রেজি. নং ঃ- ১৫৩/০৭ র-যো ভবন, চম্পক নগর, রাঙ্গামাটি



কবি তরুণ কুমার চাকমার জন্ম ১৯৫৮ সালের ২১ জানুয়ারী রাঙ্গামাটি পার্বত্য জেলার বন্দুক ভাঙ্গা খারেক্ষ্যং গ্রামে। কর্মজীবনে তিনি শিক্ষকতার সাথে জড়িত ছিলেন। তাঁর লিখিত একক গানের সংকলন 'বাজীর' ১৯৭৩ সালে খারেক্ষ্যং বনানী পাঠাগার হতে প্রকাশিত হয় এবং বাংলা ও চাকমা বর্ণমালায় লেখা একক কাব্যগ্রন্থ 'এচ্যা বিজ্বত মাগঙ্গী তরে দ্বিবে বিজ্বফুল' ২০০৫ সালে প্রকাশিত হয়। গ্রন্থটির প্রকাশক মি. মনি স্বপন দেওয়ান (প্রাক্তন এম.পি) গণপ্রজাতন্ত্রী বাংলাদেশ সরকার। কবিতা বইয়ের মোডক উম্মোচন করা হয় ২১ এপ্রিল ২০০৫ইং, বৃহস্পতিবার। স্থান- উপজাতীয় সাংস্কৃতিক ইনস্টিটিউট মিলনায়তন. রাঙ্গামাটি। কবি বর্তমানে রাঙ্গামাটিস্থ রাজদ্বীপ এলাকার লিচুবাগান গ্রামে বসবাস করছেন।